

七也2801153  
36  
160

安岳縣志

卷十一

理學

忠節

孝友

武事上

卷十二

武事下


隱逸

行誼

封蔭

流寓

仙佛





安岳縣志卷十一

理學志



月到天心風來水面悟徹斯境人也而天矣不圖茲邑亦  
有其人足衍關閩濂洛之傳謂非岳水岳山清淑之氣所  
特鍾歟

宋陳搏舊通志安岳人生於崇龕鄉即今古龕寺既長辭父母

去學道或居亳為亳人或居洛為洛人或居華山為

華山人宏簡錄觀經史百家言一過成誦悉無遺亡

作詩有名後唐長興中應舉不第按宋張舜民畫墁錄先生乃唐長興

安岳縣志

卷十一

理學

中進士遭天下亂祿仕意絕娛遊山水精通易理常自

號扶搖子居華山雲臺觀依止少華石室無心世事

周世宗命華州送至闕留禁中月餘命為諫議不受

求放還山詔州縣長吏歲時存問按外傳華陰令王睦親到華山訝其

絕無臺榭先生答詩有臺榭不將金鎖閉來時自有

白雲封世宗因採其語賜號白雲先生後宋太祖以

手詔促之先生附奏云九重天詔休教綱目宋雍熙

元年十月華山隱士陳搏入朝發明搏非偽隱沽譽為士宦捷徑者故特

以華山隱士書之觀其對宋琪等之言深鑑太平興

國中搏兩入朝帝待之甚厚至是復來見遣中使送



至中書宋琪等從容問曰先生得元默修養之道可  
以教人乎搏曰山野之人於時無用亦不知神仙黃  
白之事吐納養生之理假令白日昇天亦何益於世  
今君臣協心同德興化致治之秋勤行修煉無出於  
此琪等以其語白帝益重之詔賜號希夷先生還華  
山尋卒〔四庫書目〕朱震漢上易集傳敍圖書授受謂  
陳搏以先天圖傳种放更三傳而至邵雍放以河洛  
圖書傳李溉更三傳而至劉牧穆修以太極圖傳周  
敦頤再傳而至程顥程頤厥後雍得之以著皇極經

安岳縣志

卷十一

理學

二

世牧得之以著易數鉤隱周敦頤得之以著太極圖  
說通書頤得之以述易傳

性理太極圖說註朱震進易說表亦同

〔又〕易

學一卷宋王湜撰自序稱於陳搏穆修李之才劉牧  
之書兼而思之是以先天之學出於鑪火之證也然  
其論先天之圖謂希夷而前莫知其所自來其時距  
邵子未遠而其言如是可以知其傳自伏羲遭秦焚  
書流於方外之說出於後儒之附會〔又〕宋邵伯温  
子易學辨惑謂邵子易受之李之才之才受之穆修  
修受之陳搏〔又〕元錢義方周易圖說謂陳搏始本易



有太極兩儀四象八卦因而重之及天地定位等說  
爲橫圓大小四圖傳穆李以及邵子周元位陳希夷  
故里考先生名搏字圖南號扶搖子五代及宋時普  
慈崇龕人也宋史以爲亳州真源人誤矣夫求古人  
里居必取古人生同時居同里仕同朝者誌之而其  
誌載乃爲不謬宋初李宗諤祥符圖經載陳搏普慈  
崇龕人旣長辭父母去或居亳爲亳人或居洛爲洛  
人或居華山則爲華山人宋祝穆方輿勝覽載破石  
井在普安城西其水清冽乃一巨石鑿開而得水云

# 安岳縣志

## 卷十一

理學

三

陳搏相地所開宋楊泰之舊普慈志云鐵山棗崇龕  
梨天池藕三者皆希夷所種宗諤宋初人知制誥多  
所裁正與希夷同時祝穆亦宋人刻意學問並著有  
事文類聚去希夷不遠楊泰之宋蜀青神人擢知普  
州雜著凡二百九十七卷與希夷同產於蜀以同時  
之人同里而居同朝而仕記其寮案里黨之事顧不  
此之信而誰信耶明楊升菴全蜀藝文志載搏所著  
易龍圖序亦云普慈崇龕人其非亳州真源人可知  
矣今縣城西有池曰希夷池破石井相距數武雲居



山有碑鐫希夷先生像貌甚古並繫有贊城東明時掘得宋碑一通載地名陳搏垣垣有希夷祠祠傾而碑與詩尙在詩有一睡三十年之句夫考之先生生同時居同里仕同朝及蜀藝文志之言已如彼而又得先生碑碣遺像祠宇手種又如此宋史以爲亳州真源人者徒以其流寓之蹟而未究其所生之里居也考方輿勝覽亳州載周時李耳事甚詳宋希夷事獨不載豈同時之人反略耶其爲普慈崇龕人益明矣先生四五歲有青衣媪乳之聰悟過人經史百家

# 安岳縣志

## 卷十一

理學

四

一覽無遺精通易理或以濂溪太極圖傳之先生非無本也先生棲武當山九室巖移居華山雲臺觀依止少華石室周世宗命送至闕延問黃白之事對曰陛下君主四海當以政治爲念奈何留意於此帝重之賜號白雲先生宋祖禪位一笑墮驢曰天下自此太平矣召赴闕太宗賜詩云曾向前朝號白雲後來消息杳無聞如今若肯隨徵召總把三峯乞與君先生草屨垂緇服華陽巾不忘舊也遂以賓禮見賜坐上方征河東先生諫止會兵已與令寢於御園兵還



無功百餘日方起恩禮特異久之辭歸進詩以見志  
云草澤吾皇詔圖南搏姓陳三峯千載客四海一間  
人世態從來薄詩情自得真乞全麋鹿性何處不稱  
臣上知不可留賜宴便殿宰相兩禁傳坐爲詩以送  
其歸所著有指元篇八十一章王溥爲箋釋又有三  
峯遇言及高陽釣潭二集祥符四年真宗幸華陰至  
雲臺觀閱其畫像爲除觀田租稅焉如世俗之見則  
又將爲華陰人矣不考其實可乎

易龍圖序

安岳縣志

卷十一

理學

五

且夫龍馬始負圖出於羲皇之代在太古之先今存  
已合之位或疑之况更陳其未合之數耶然則何以  
知之答曰於仲尼三陳九卦之義探其旨所以知之  
也况夫天之垂象的如貫珠少有差則不成次序矣  
故自一至於盈萬皆累累然如絲之縷也且夫龍圖  
本合則聖人不得見其象所以天意先未合而形其  
象聖人觀象而明其用是龍圖者天散而示之伏羲  
合而仲尼點而形之始龍圖之未合也惟五十五數  
上二十五天數也中貫三五九外包十五盡天三天



五天九并五十之用後形一六元位又顯二十四之  
爲用也茲所謂天垂象矣下三十地數也亦分五位  
皆明五之用也十分而爲六形地之象焉六分而幾  
四象地六不配在上則一不用形二十四在下則六  
不用亦形二十四後既合也天一居上爲道之宗地  
六居下爲氣之本天三幹地二地四爲之用三若在  
陽則避孤陰在陰則避寡陽大矣哉龍圖之變歧分  
萬途今略述其梗概焉西蜀崇龕陳搏序

杜孟字淑之舉進士遊太學因童貫蔡京用事歸隱躬

# 安岳縣志

## 卷十一

理學

六

耕修行正俗嘗訓子孫曰忠孝吾家之寶經史吾家  
之田時號寶田杜氏嘉定閒追謚節範處士

白炎震淳熙中進士据慶元黨禁朱晦翁黨偽黨共五十九

人宰執四人待制已上十三人餘官三十一人白炎

震普州人新通判成都府

杜孝嚴宋史道學張洽傳洽所交皆知名士如呂祖儉

黃幹張崇憲蔡淵吳必天輔廣李道傳李燔葉味道

李閔祖真德秀魏了翁李<sub>重</sub>杜孝嚴度正皆敬慕之

宋志文州續記四卷杜孝嚴撰普州人杜孟之孫



忠節志

讀玉藻而人知教忠讀義經而人知重節余讀普州邑乘某也忠非有所感發而忠也某也節非有所激勵而節也始怡然於天下忠節人皆天下至性人也率性之謂道子思子豈欺我哉

宋景思忠宋史本傳字進之普州安岳人以父西上閣門使秦蔭累官西京左藏庫使爲遂州駐泊都監夷人寇清井鈐轄張承祐出兵救之思忠部卒五百爲前鋒夷乘險薄官軍官軍戰不利死者十之六左右勸

安岳縣志

卷十一

忠節

七

忠引兵避不聽奮劒疾戰而死走馬使張宗望爲言詔察訪熊本考實得其事神宗憫之官思忠及同死者之子七人餘皆賜其家錢帛瀘州蠻傳熙寧七年六姓夷自清井謀入寇命熊本經制之景思忠戰沒本將蜀兵及夷界黔州弩手以毒矢射賊賊驚潰於是山前後長寧等十郡八姓及武都夷皆內附提點刑獄范百祿作文以誓之神宗本紀熙寧六年五月遣中書檢正官熊本措置瀘夷西京左藏庫副使景思忠等攻燒敘州夷固戰沒錄其子昌符等七人軍



士死者賜其家錢帛有差

景思立宋史忠義景思忠傳弟思立以蔭主渭州治平  
砦囉兀用兵韓絳使攝保安軍夏人寇順寧思立擅  
領兵赴援諸將敗一軍獨全以功知順德軍策應王  
韶取熙州過洮築當川堡克羌香子珂諾城遂定河  
州嘗與羌力戰斬不用命者數人軍聲大振韶言其  
臨事忠勇進加京副使通事舍人再擢東上閤門使  
河州刺史賜繡旗朱甲又遷四方館使河州團練使  
青宐結鬼章舉兵襲殺伐木卒害小校七人以書抵

安岳縣志

卷十一

忠節

八

思立詞不遜思立不能忍帥兵六千攻之於踏白城  
鈐轄韓存寶蕃將瞎藥交止之不聽自將中軍使存  
寶及魏奇爲先鋒王存將左賈翊將右鬼章眾二萬  
分三寨以抗官軍戰數十合羌從山下圍中軍他將  
王寧李元凱沒於陣思立存寶潰圍出諸將多傷議  
曰日暮兵疲宜移屯東岡以自固思立以魏奇創重  
獨徙其軍方遣之而殿後兵亂前人望見亦皆潰思  
立且鬪且退曰我適以百騎走羌數千人無助我者  
今敗矣當自剄以謝朝廷眾止之少頃再戰遂死時



已除忠州防禦使會其死不及拜帝以其輕敵致敗  
不復贈官

景思諡宋史景思忠傳神宗以思立母老而未有官舍  
命其弟思諡爲秦州判官以便養仕至東上閣門使  
鄜延第一副將宋史沈括傳括至延州大將思諡曲  
珍拔夏人磨崖葭蘆浮圖城外國傳二夏國下元豐  
五年五月沈括請城古烏延城以包橫山使夏人不  
得絕沙漠遂遣侍中徐禧往議禧復請於銀夏宥之  
界築永樂城永樂依山無水泉獨種諤極言不可禧

# 安岳縣志

## 卷十一

忠節

九

率諸將竟城之賜名銀川砦禧以兵萬人屬曲珍守  
之永樂接宥州附橫山夏人必爭之地九月夏人來  
攻圍之者厚數里將士晝夜血戰城中乏水已數日  
鑿井不得泉渴死者大半夏人呼珍來講和呂整思  
諡相繼而行夏人髡思諡囚之

諡古義字  
傳一作義

而城圍者

已浹旬矣神宗本紀元豐五年九月戊戌永樂陷十  
二月丙子錄永樂死事將皇城使寇偉等十三人及  
東上閣門副使景思諡等九十人贈賜有差按前志  
忠義志有景思忠思立思立下注云此下萬曆志脫



一葉落名無考舊志不知有思諛而僅以思忠載於  
潼川敘事尤謬且併思忠思立削之者亦以爲潼川  
舊州人也然自宋史外他書無云潼川人者通志亦  
云安岳人此不待辨第通志猶有誤者按明一統志  
保寧府祠廟志云三景廟在府城中三景宋神宗時  
安岳人伯思忠戰沒清井仲思立戰沒熙河季思諛  
戰沒永樂後立廟於此四川通志亦載於保寧祠廟  
但其言曰宋神宗時夏人入寇思忠死清井思立死  
熙河諛亦戰死永樂中立廟祀之若以三人爲同時

# 安岳縣志

## 卷十一

忠節

十

死者又忠義志止載思忠云與弟思諛俱沒於軍皆  
謬不知清井卽今敘州府長寧縣無與於夏人也且  
永樂非明年號乃神宗元豐五年靈州永樂之敗思  
諛死焉思立思忠之死前此矣若明永樂中何緣立  
廟於保寧乎據宋史李彥仙傳彥仙知陝州城陷死  
之建廟商州號忠烈後以商陝與金人徙其廟閬州  
三景之廟食於保寧其類此乎

馮宋爲太學生與陳東伏闕上書遂被黜落

張山翁宋史忠義高應松傳山翁字君壽普州人景定



三年進士德祐元年爲荆湖宣撫使幹官鄂守張宴  
然議納款山翁以書譙讓之宴然既降山翁被執軍  
前諭曰若降不失作顯官山翁酬對不屈行省官賈  
思貞義之貸不殺後居黃鵠山聚徒教授而終有南  
紀緇林藏雲山相鋤等集瀛國公紀咸淳十二月己  
未呂文煥以北兵攻鄂庚申都統程鵬飛及權守張  
宴然以城降幕僚張山翁不屈諸將欲殺之丞相伯  
顏曰義士也釋之亦見元史蓋請貸者思貞而權在  
伯顏也又按十二月癸卯朔則庚申爲月之十八日故  
傳載於德祐元年

安岳縣志

卷十一

忠節

十一

明張澄任平江典史流賊寇平江澄與知縣宋鑑率民兵  
出境對敵賊氣稍阻鑑曰宜退保城東澄曰保城東  
則西南虛矣吾當以死拒之已而賊前鋒突赴城西  
民兵潰澄力戰而死事聞旌表廕一子入監舊志稱  
曰官居末品節重邱山

張任學明史本傳安岳人天啟五年進士授太原知縣  
以才調榆次崇禎四年舉治行卓異入爲御史陳蜀  
中私稅催科訟獄三大苦帝爲飭行出視兩浙鹽法  
數條奏利弊八年流賊陷鳳陽詔逮巡按吳振纓命



任學往代還朝復按河南監軍討賊時羣盜縱橫而諸將縮朒不敢擊任學慨然上疏詆諸將請易武階親執干戈爲國平賊帝壯之下吏兵二部及都察院議諸臣以文吏無改武職者請仍以監軍御史兼總兵事帝不從命授署都督僉事爲河南總兵官河南舊無總兵左良玉陳永福竝以客兵備援勦至是大將特設而麾下無一官兵部乃以署鎮許定國兵授之使參將羅岱爲中軍岱健將屢著戰功任學倚以自強時熊文燦專主撫劉國能張獻忠俱降羅汝才

安岳縣志

卷十一

忠節

十一

馬進忠李萬慶等躡中原如故河南人據塢壁自保者數十賊悉摧破之踞息縣光州礫人投汝水水爲赤任學不能大創也進忠勢衰佯求撫文燦及巡撫常道立許之乘閒逸去任學與文燦道立竝鐫秩七月任學督岱等赴羅山合良玉軍擊汝才萬慶及紫微星順義王大敗之追奔五十里斬首一千四百有奇獲黑虎狼滿天星賊奔遂平九月進忠寇開封至瓦子坡岱奮擊賊盡棄輜重遁入大隗山獲其妻子其冬京師戒嚴任學入衛道謁文燦言獻忠狼子野



心終爲國患我以勤王爲名出其不意可立縛也文  
燦不能用抵畿南有詔卻還巡撫道立調良玉兵於  
陝州賊乘盧氏虛遁入內鄉浙川爲文燦所劾明年  
除道立名任學亦鐫一秩遊擊宋懷智都司孔道興  
再破賊陳州部將王應龍尤之龍等破賊襄城五戰  
皆勝副將岱與應龍懷智等復破賊葉縣十日奏八  
捷帝詔所司核實已又挫賊裕州而是時總兵孫應  
元黃得功統京軍討賊屢奏大捷凱旋錄功任學亦  
敘復二秩尋與左良玉陳洪範蹙李萬慶於內鄉萬

安岳縣志

卷十一

忠節

三

慶方降獻忠已叛文燦盡調河南軍援勦獨任學酉  
汝南川貴總督李若星論文燦主撫之謬請復任學  
原官攝行大將督察軍事不從七月獻忠合汝才自  
房縣西走岱偕良玉追之良玉令岱爲前鋒已隨其  
後至羅荻山軍乏食賊伏兵要害岱與副將劉元捷  
鼓勇直上伏四起岱馬足絀於藤抽刀斷之蹶而復  
進乃棄馬步鬪久之矢盡陷於賊良玉亦大敗事聞  
任學坐褫職十五年言官請起廢任學與焉未及用  
而卒明進士李實侍御張公傳公諱任學字畱孺邑



人天啟辛酉舉賢書乙丑成進士授太原令有聲甫  
三月調繁榆次崇禎時舉卓異入試雲南道御史出  
巡浙東西鹽法洗手視事不名一錢商人胥悅課立  
辦凡所條奏洞見癥結上悉可之著爲令乙亥流賊  
掠鳳陽適淮揚御史員缺上以陵寢重地特詔吏部  
選御史有風力者以往僉推公公至賊遁上令詳劾  
官吏失事狀又陵旁有穴疑爲賊發復遣中使馳視  
之督臣楊一鵬以下多論死公偕中使驗其穴隘且  
曲無鋤錘痕公曰狐兔穴耳以狀聞獄乃解惟一鵬

安岳縣志

卷十一

忠節

古

伏法全活數十人將復命屬僚以幣謝公正色屏之  
適邑子戴某備書署中戴亦御史後曰此故事也何  
爲不受公嘆曰吾豈以官爲市者閒一歲復巡按河  
南公長身偉貌紫髯如戟爲人敏練勇於任事嫻將  
略自起家巖疆暨攬轡江表常憤憤懷掃除蝥賊之  
志及官河南河南已爲賊擾官其地者多前卻不進  
公卽日就道奉勅監軍益欬歔感發誓滅賊以報時  
崇禎丁丑歲也受事甫旬日見統兵將帥皆挾寇自  
重不肯戰督撫大吏卽有調發亦觀望不前賊益張



公奮曰事不辭難臣之職也賊勢如此而吾輩尙雍容坐鎮何異揖讓救火耶乃抗疏請換武階天子壯之下廷議時筦樞者欲招致門下又意公有所覬噉其私人誂之曰樞密寄聲文臣開府亦上將之籍也張御史如何公艷然曰主憂臣辱主辱臣死吾爲是請者亦緣狂寇滔天不自揣量欲以區區一掌捧土而塞洪流耳樞密何疑任學之淺也樞密大恚乃奏換公後軍都督僉事河南總兵官陽假之號陰奪其權欲以困公制下自中朝紳士及邊關老校皆爭相

安岳縣志

卷十一

忠節

十五

嘆詫以爲三百年未有先是河南以處天中故無專閫一切創設條議事宐又中多掣肘公有再申前請一疏累萬言其略云臣以御史改授總兵使不足以盡臣之才達臣之用以仰對希有之知遇謂臣請纓之志何夫臣之舍易而就難舍逸而就勞釋豸繡而就戎服者憤生民之難戮力疆場欲盡忠於陛下也陛下不恤臣誰恤臣者人情有不得則呼於天呼於父母陛下臣之天臣之大父母也伏望俯允前請臣不能張撻伐以靖中原臣之罪也視師未幾卽招降



順義王沈萬登房九禮等數千餘眾會賊遣其黨劉國能馬進忠以數十萬眾寇汴梁汴梁大震公命其中軍羅岱往擊之岱大同副將也嘗以事逮公脫之遂爲其中軍至是擊賊岱感公拯己恩戰甚力遂大破國能等殲其眾數萬自新鄭至密縣橫尸棄甲百餘里餘黨遁入大隗山中汴梁以安國能進忠妻子爲岱獲公以別宅居之遣僉從護視給衣食國能進忠等聞而感之乃出降公奏爲副將餘賞給有差賊眾十萬人無不願爲公死者於是公聲威大著又破

安岳縣志

卷十一

忠節

六

賊於固始斬首無算公凡與賊遇皆披甲上馬親冒矢石大小二十餘戰皆捷未嘗敗衄賊分股渡淮走光山草裏眼走商城諸賊走黃州境中州之士幾復皆公去文習武知人善將之力也而樞密以前事銜公其功皆不錄故舉世無知之者會張獻忠復叛於穀城總理熊文燦檄中軍羅岱攻之大戰茶山深入無援繼爲賊殺橐樞者用是甚公奪其官公旣去宛雒開歸相繼淪陷先是獻忠栖穀城公奉詔勤王牛道反諗於文燦曰獻忠狼子野心終爲國患今吾以



勤王爲名獻忠必不設備輕騎襲之獻忠可縛時文  
燦與筦樞者欲以撫奏功不聽已而獻忠果叛文燦  
被逮而公業有忠言於先宐受賞亦削秩當時功罪  
不明類如此後樞密以宰相督師討獻忠大帥左良  
玉輩皆驕恣不用命訖無成宛雒旣覆樞密亦縊死  
然後知公之思深而慮遠也使早如公算以文臣握  
重兵與武人悍將參錯行閒不至此當樞密討賊時  
曾以要領問公公具陳向所張施於中州者皆出其  
意表始愧服握公手謝曰識公恨晚矣而天子亦以

安岳縣志

卷十一

忠節

七

公忠念之復其御史將大用公知事不可爲早夜呼  
憤發病卒於家未幾獻忠入蜀李自成入燕去公之  
亡纔一歲按明史載崇禎十一年二月河南巡按張  
任學改總兵守河南先是任學覲得巡撫且欲薦丹  
陽知縣張放因極詆諸鎮盛稱文吏有奇才及承茲  
命意甚沮悔等語其六子象翀痛乃父心迹不白於  
世因爲野史辨謬其略曰明御史無驟躋開府藉曰  
可躋是時天下無安土撫臣坐僨軍失守被逮論死  
者甚多何樂躋之蓋以憂國憂民之苦心激忘身忘



家之血性又自度其才力猶可有爲乃抗疏請纓期  
滅寇以報國耳丹陽知縣張文光河南祥符人戊辰  
進士聞人也紀者妄書曰放名且訛而深刺人意刻  
且誣矣因叩史館搜得請纓前後疏三章累萬言熱  
血淋漓讀之墮淚松陵潘耒遂邑呂潛皆有序辨其  
誣甚悉而海內文人多爲詩歌贊美之錄之皆足光  
簡策而風後世以文繁不能備載

竇可進勝朝殉節諸臣錄雲南兵備副使竇可進安岳  
人居獻賊破安岳大罵不屈被磔死乾隆四十一

### 安岳縣志

#### 卷十一

忠節

六

年

賜諡烈愍蜀碧賊將劉進忠等破安岳可進被執罵賊賊  
剝其皮磔之

王起莪勝朝殉節諸臣錄戶部觀政進士王起莪安岳  
人崇禎十七年獻賊陷蜀舉義沒於陣乾隆四十一  
年

賜諡烈愍蜀碧起莪字如蘇賊至倡義得萬餘人與賊戰  
敗沒於陣按莪亦作莪

周燕字子翼安岳人治尙書三傳銳精史漢爲文富豔



當明末時見賊氛肆起絕意仕進潛居巖谷著書自  
娛後遇流寇欲用爲軍中書記不屈死

國朝李昌遐任浙江開化縣典史因公謫伊犁效力道光  
五年回逆作亂辦理軍務殉節西疆崇祀昭忠祠子  
勝寬襲恩騎尉

安岳縣志

卷十一

忠節

九

十三



孝友志

天下之達道五惟孝友爲重孝專責諸子以天下無不是之父母也友專求諸兄以天下最難得者兄弟也然而庸德之難也君子胡不慥慥爾茲於邑乘所見聞有厚幸焉有愧心焉

明李遇中明史孝義傳宣德閒則有安岳李遇中

張謨邑人宏治閒舉於鄉孝友純篤承母志分產給姊授金州學正遷洵陽令奔父喪歸哀毀骨立起遷寧遠令鄉人誦其行前志稱曰孝友著聞善政播紀

安岳縣志

卷十一 孝友

二十

湯佐字時衡紹恩之父前志入鄉賢稱曰孝友兼全才謂獨步

楊廷薦舊通志字汝能安岳諸生母秦氏疾劇薦讀本草人肉能治羸疾卽割股以進母病果愈父萬權寢疾四年日侍臥榻奉湯藥遂廢舉子業處鄉里能敦義讓周貧乏給婚葬嘉靖庚子知縣李湖上其事旌其門曰篤行

李尙華邑諸生繼母楊氏患寒疾垂危割股以救遂痊撫按廉其事屢給銀米仍旌異之



高曷邑諸生幼喪母繼母羅氏育之羅有女無子欲割田產爲嫁貲父冲怒不與曷哀勸終分產以遂所願當事旌其閭曰孝行

莫如龍邑諸生篤志養親母病焚香祝天割股以進病遂瘥享年九十有三乃卒萬曆九年督學楊核其行優賞旌異

余壽山邑諸生性孝友父母疾篤日夜焚香籲天求以身代旬日乃瘳當事廉其行旌其門曰普城行舉

黃閣邑人性剛介事母至孝訓家嚴而有法子爲明經

安岳縣志

卷十一

孝友

三

亦承父訓孝友相繼

國朝周景旦事親恭謹溫清不懈曾割股愈父疾康熙二十一年知縣鄭炳旌之

曾光祖字輝前性至孝侍二人無疾言遠色家貧竭力以供甘旨父疾篤割股以進立愈康熙二十一年知縣鄭炳旌其門

楊應元喜井鄉人父文仲執木工失業僦居在城鄉應元長習父業父沒致哀三年不飲酒茹葷母陳氏有胃疾每作輒聲苦數日不止嘉慶十三年母疾劇應



元割左股肉和藥而進母疾遂愈後以甘旨奉母終身而自安淡泊未嘗葷酒母卒遂爲真相寺僧

李朝贊邑監生嘉慶五年教匪入境母子被執繫至姚市鎮母曰殺我畱贊贊曰殺我畱母賊以刀置其母頸贊引領而就其刀賊義而舍之

蔣永言 恩賜舉人誠樸孝友母楊氏染痰疾不起藥餌調護始終不倦兄貧迎嫂與姪女養焉

曾傳暘食貧養親父沒母老諸兄弟窘於養獨竭力事奉十餘年母八十八歲卒喪葬費皆負債任之不與

### 安岳縣志

#### 卷十一

孝友

三

諸兄弟較二兄早喪遺孤二爲養之成立長兄死無嗣爲斂葬同胞五人從無閒言嘗訓子孫事親當以吾弟兄爲則卒年八十一歲

周崇號玉峯孝友性成言動未嘗忘親兄以軍儲藉家無償且病於獄爲破產出之後復大富子召南以孝廉授國子監學錄職年九十餘方卒人以爲報施不爽云

陳仕明邑監生嘉慶五年賊入寇母年七十四護母同竄遇賊賊奪母騎獲免後復與數賊遇賊大呼母驚



怖仕明厲聲曰是吾母也汝何敢傷賊義之釋去後  
母年八十卒生亦善終

鄒梗庠生性孝友內外無閒言母王氏染咳疾梗侍湯  
藥不解帶者十餘年母卒梗亦以咳疾終子孫多登  
第咸謂孝德之報云



武事志 上

安岳額設文學八名武學稱之

國家掄才文武原竝重也自宋以來文臣奏武功者閒有其人至折衝疆場之閒轉禍為福反敗為功則非武臣之力不及此因詳志於此以見有文事者必有武備云

隋開皇閒瀘夷寇普昌二州文帝命西蜀都統姚萇帥西川兵討平之

唐韓澄新唐書郭英父傳出兵襲崔寧不克寧因人之怨率麾下五千直擣成都英父拒戰眾皆反戈內攻乃奔

安岳縣志

卷十一

武事上

一

簡州次靈池普州刺史韓澄斬首送寧遂屠其家舊志永泰閒任

天復初王建遣龍臺鎮使王宗侃討杜從法於昌普合

三州平之新唐書華洪

王建將

率眾五萬取渝昌普三州

宋史王全斌傳乾德二年冬下詔伐蜀全斌為西川行營

前軍都部署三年孟昶降詔發蜀兵赴闕軍至綿州叛

蜀文州刺史全師雄為亂兵所獲推為主帥邛蜀眉雅

東川果遂渝合資簡昌普嘉戎榮陵十七州並隨師雄

為亂

太祖本紀三月兩川賊起詔所在攻討

賊勢既剝餘黨散保州縣戰



擢都監劉漢卿與師雄黨劉澤合眾至五萬逐普州刺史劉楚信殺通判劉沂及虎捷都校馮信率州民爲亂師雄病死於金堂推謝行本爲主羅七君爲佐國令公與賊將宋德威唐陶鼈據銅山旋爲康延澤所敗見名宦志康延澤傳

楊瓊傳瓊汾州西河人淳化中李順叛蜀太宗本紀五年順陷成都放兵四出瓊領兵自峽上與賊遇累戰抵渝合與尹元攻劫州縣裴莊分路進討克資普二州詔書嘉獎

茗山平寇錄事本末

# 安岳縣志

## 卷十一

武事上

三

寧宗本紀嘉定十二年閏三月癸亥興元軍士張福莫簡等作亂以紅巾爲號五月乙未朔張福薄遂寧府潼川路轉運判官權府事程遇孫棄城遁己亥張福入遂寧焚其城甲寅四川宣撫司命河州都統張威引兵捕福戊午福入普州守城張已之棄城遁六月戊辰張福屯普州之茗山庚午張威引兵至癸未張福請降乙酉張威執之歸於宣撫司七月丙申張福伏誅庚子張威捕賊眾一千三百餘人誅之莫簡自殺紅巾賊悉平十二月庚寅賞茗山捕賊功又采史紅巾賊張福莫簡叛



入利州聶子述遁去領財賦楊九鼎與賊遇走匿民舍  
賊追殺之子述退保劔門賊自閬中趨遂寧所過殘滅  
時四川大震甚於曦之變五月賊焚蓬溪縣詔起安丙  
爲四川宣撫使

續綱目福屯於普州之茗山安丙自果州如遂寧下令  
諸軍合圍絕其樵汲以困之未幾張威兵至福窮請降  
威執之獻於丙丙命轡其黨王才以祭九鼎而誅福既  
而威捕莫簡及賊眾一千三百餘人誅之紅巾賊悉平  
南宋書安丙傳紅巾賊張福莫簡叛入利州四川大震

安岳縣志

卷十一

武事上

三

魏了翁移書宰執謂安丙不起賊未卽平雖賊亦曰須  
安相公作宣撫事乃定耳詔起丙爲四川宣撫使丙奏  
臣不辭老以報國但事不任怨難以圖成將恐騰詢交  
至使臣獨抱赤心無從上白臣已傷弓於旣往豈容不  
懲涕於方來詔曰昔唐太宗以西寇未平詔起李靖靖  
慷慨請行代宗有朔方之難圖任郭子儀子儀聞命引  
道今蜀道擾攘起卿燕閒勉圖雋功以濟國事賊負固  
於普州之茗山丙下令諸軍合圍絕其樵汲之路以困  
之俘獲張福等十七人以獻七月庚子盡俘千餘人皆



斬之庚戌班師

南宋書張威傳興元叛兵張福作亂號紅巾隊焚利州  
遊騎在潼漢關將窺成都乃遣威提精兵自劔縣至廣  
漢盛夏暑劇休士三日俄安丙檄威東進時賊入普州  
茗山威進兵重圍絕其糧道擒福戮之

安癸仲宋史安丙傳廣安人子癸仲知果州聶子述檄  
兼議官紅巾賊張福莫簡判入利州子述檄癸仲兼節  
制軍馬任討賊之責癸仲召戎師張威等來會賊平癸  
仲加三秩進直華文閣起復主管宣撫司機宐文字

安岳縣志

卷十一

武事上

三

茗山紀功之碑

缺十四月缺五蜀師缺四計臣死於兇刃盜我府庫缺

五有缺三山守缺九制閫以蜀缺十勳帥缺二士辛未

擊走之賊缺九丁酉陷遂州缺一府缺八入漕治兵泗

上潰如濮陽庚戌朝廷缺三安公丙為宣撫使平蜀公

命參謀汝以幹譽典機密命戎帥張缺一威汝統諸軍

奉揚王缺三申嚴士皆銜勇鼓未震賊已褫魄丁巳

字缺一普州六月己巳遁據白巖怡缺一抗順庚缺三提

兵屯茗山盡銳攻圍公節斧臨武信下困擾之令用全



勝之策進圍浹賊果自缺三庚子全師以歸參謀保

蜀缺一逐之於初宣威枵賊侍殲之於後始終謀謨如

出一手缺三耀共濟大功西平有子勳業異世聲為詩

雅矧父子同功如今日之盛可無歌詩垂缺三燦著成

二十五章序而刻諸茗山以銘厥功銘曰兇徒妖缺三

帕首逆簡僭號風厲其醜燔劫計府戕屠王人剖圍出

囚揀昏與噐匪鈎其餌則惟其缺二朝之頃有眾十倍

參謀曰缺二不可縱發我帑廩厚其徒眾據有蜀計為

蜀之缺一藥萌缺二毋使滋蔓迺厲將士逐之渡江缺一

### 安岳縣志

### 卷十一

武事上

三

字於其後是芟是崇兇雖未殲蜀計可保缺一我士卒

以事征討四川震擾閩果遂普燒蕩城邑驅掠婦女怪

力自矜嚴殺為樂所劫山缺一不缺一溪壑官守弗守

窮民流離或死於刃或死於飢天子念蜀聿懷舊德起

公殊庭授以閩鉞排擯羣議神斷自中惟君之明知臣

之忠公曰缺五訂今而辭難三長弗通乃命戎帥礪爾

戈矛如苞如流殄殲逆儔賊兇擇嶮缺九抗王師白疑

額額山屨水逆自謂嶮勝人一當百王師合圍勝不以

力缺八渴不得飲飢不得粒殺馬飲血以肉當食嶮無



以固其嶮自夷金玉山

缺一字

無所可之

缺三字

問其徒若

林枵而困之纍纍就擒初在益昌有飽可恃誰其逐之  
宣威之子宣威有子同公魯公始之終之訖用成功白

疑之圍萬全之策誰其成之公所拔識公所

缺二字

可鐫

功以銘傳億萬斯年

缺四字

歲秋

缺八字

陽景寅仲書蓋

明蜀碧崇禎十三年十月楊嗣昌幕下評事萬元吉饗士  
於保寧用猛如虎爲正總統張應元副之令率其軍趨  
縣州諸將分屯要害而元吉自閒道走射洪過蓬溪以  
待賊時賊屯安岳周禮場知官軍至宵遁如虎選騎逐

### 安岳縣志

#### 卷十一

武事上

三

賊元吉與應元營安岳城下以截賊歸路是月也賊縱  
掠什邡縣竹安岳德陽金堂所至空城而遁復由水道  
下簡資嗣昌徵諸將合擊皆退縮賊遂陷榮昌永川

國朝嘉慶五年三月十八日達州教匪由射洪太和鎮竊  
渡涪江諸賊分道二十四日賊魁張子聰自遂寧東禪  
寺入安岳境焚附郭鄉通賢場燬玉帶橋宿姚市鎮是  
日鄉耆吳道才罵賊而亡二十五宿流湖鋪二十六宿  
鎮子場時賊四擾游騎至城下邑人蔡齊巍捐布政司  
經歷任義俠尙氣節入城襄縣令籌守禦計且曰余將



奮身以殺賊令曰如眾寡不敵何齊魏曰余唯知效命  
勝負非所計也奮袂而起統率莊農五十人持械出城  
慷慨赴敵衝入賊隊手刃數人賊四圍攢矛刺之遂遇  
害二十七日賊至馴龍場鄉人楊姓率宗族里黨要之  
於場置婦女於寺樓賊初至陣於橋殺賊數十賊忿極  
率大隊至前後夾攻男女數百人死之賊由是出境參  
贊大臣德公楞泰躡後於二十四日宿邑附郭鄉費家  
堰伐木渡通賢溪賊連夜奔竄時承平日久民心惶懼  
所築山砦半多未固當賊衝者聞風自潰殺掠無算去

安岳縣志

卷十一 武事上

三

賊稍遠者以官兵急追不予以暇故得保全凡五日賊  
周邑境而去德公隨後追及大創之每臨戰令軍士大  
呼云汝輩係爲賊掠卽投刃來歸當釋汝邑中男婦釋  
歸者不下數千人民戴其德爲建生祠於邑關帝廟市  
集亦皆醵金祀之號爲隆康生佛

附錄禦賊殉節紳士譚得明楊上蛟楊世茂楊文興楊世

品曾世榮劉文炳劉文瑄梁明出師陣亡兵丁尹貴李  
元龍尹首貴派勦達州陣亡鄉勇田倫劉三龍李貴賀  
一龍王坤劉紹和楊貴秦坤李秀補林劉鑑田忠陳富



余陞陳貴戴心發熊彪陳文徐俸龔容許正乾李正餘

黃文毛華尹祥曾耀孫貴黃國張忠范榮楊禮黃陞覃

朝吳陞孫貴左成章楊俸包順楊貴陳龍康宗禦賊戰

亡團首龐雲誨楊朝潤蔡缺缺丁位王倫團勇周維清

周萬明周文煥張榮王維楊永槐楊永楷陳缺缺陳缺

朝缺缺周萬興缺長科賴仁總陳缺缺楊朝院缺贊

劉缺缺楊朝章胡達芳李缺缺劉斗先缺缺秀楊秀元

胡達清李正缺楊倫元缺三元缺順倫胡顯廷李正清

李正雄劉超楊朝太李公海李孟儒何茂劉一萬楊朝

安岳縣志

卷十一

武事上

三

興李公步李杰侯何堯劉世運楊永模姚正琦李正達

何廷望劉世連楊永寬蔣秀武李文才何順胡代富楊

朝清丁永鳳王德臣何永全楊世舉李宗文楊倫棋戴

順志劉再銀楊長壽李智遠賀世達戴順安劉世亨潘

才源李遠吉李枝韶劉世超楊上偉楊連陞李萬宗賀

春義劉再發楊有男楊世學鄧文佑安大洪朱朝斗楊

佑章湛國貴鄧上文唐明舜羅俸榮李萬昌戴順祿鄧

上興謝學智蔣大勳李遠漢李永先鄧福壽吳文惠蔣

榮祿楊上安李萬官曾子元劉世權蔣克昌楊世義潘



長壽曾世明劉文鍾蔣步昌蔣丹桂蔣連科蔣雙兒蔣  
昌運蔣榮官蔣進昌蔣石麟蔣大雲蔣榮京蔣長安蔣  
大受蔣雲楠蔣子麟蔣二元蔣三元楊光興楊光輿楊  
昌棋楊昌柱楊昌校楊昌珩楊俊有楊俊秀楊俊美楊  
俊文曾萬貴周之懷蔣其漢戴金山姜在位姜秀玉王  
思龍吳大貴彭定科彭安理蔡萬明鄭世連鄭世蘭賀  
仕遠趙其盛賀大利廖登陞廖登榮廖登禮廖登仕廖  
登元何永成何永甲何永春何永位何永德何永芳何  
正國何廷先何廷玉何廷發何廷壽何廷舉何廷滔何

安岳縣志

卷十一

武事上

三

永茂何永超何永元何永銳何永忠馮廣馮仁禮馮仁  
重梅龍梅昇梅正儒梅正緒梅正孝梅玉春陳一柱陳  
朝棟冷正儒冷正茂冷朝榜冷朝選冷正美冷正廷冷  
朝宗冷朝品冷朝拔冷朝元冷正文張紳張正先張玉  
先張統先張有先張國先陳廷茂陳乾棟鄧一慶鄧陽  
光鄧陽朝鄧光龍鄧先俸鄧先朝何濱王啟孝王仕興  
廖啟蛟廖啟林廖啟秀廖連枋廖登選紀章桂紀章春  
周天恆周和恆周懷照周懷盛周以恭周以明周懷明  
以上諸人俱崇祀昭忠祠